

醫
經
餘
論

天香書屋

酉 3
8




診家索隱



南京中醫藥大學
1954
南京中醫藥大學圖書館版權所有

醫經餘論序

自趙宋人刪改六經其害遂及於醫張景岳之類經猶不過學究家之兔園冊至喻嘉言改秋傷於溼爲秋傷於燥改裏有寒外有熱爲裏有熱外有寒方中行程郊倩之流移易本文無知妄作而醫學乃紊矣吾友羅君浩字養齋幼與凌仲子同居海州涉獵經史能博覽善爲歌詩而兼通於醫病市醫不讀書間有讀書又苦師承無其人撰醫經餘論若干篇開發聾聵俾知古人之學不致囿於俗其論素問以經證



經陰陽別論稱不得隱曲說者多不得其解今以風
論及至真要大論並稱隱曲不利貫而通之知隱曲
二字指男子前陰故下特舉女子不月以別之陰陽
應象大論按尺寸觀沉浮滑濇而知病所生以治無
過以診則不失矣王太僕讀無過以診爲句以甲乙
經證之則以治無過爲句以診則不失矣爲句其論
金匱以水症氣衝咽狀如炙肉證婦人咽中有炙臠
爲有形之邪阻無形之氣以咳則其脉弦與弦則衛
氣不行知肺飲不弦肺飲二字句謂肺飲之輕者有

不弦但短氣而不咳其弦則衛氣不行而咳矣則重
矣非謂肺飲無弦脉也其論本草以神農經爲主而
證以南陽之方以薏苡主筋急拘攣故金匱胸痺緩
急者主之用以健脾利溼則失其義此胡主心腹腸
胃中結氣飲食積聚寒熱邪氣知其性行太陰陽明
中土出於太陽之標故傷寒論陽明潮熱胸脇滿不
去傷寒陽脉濇陰脉弦腹中急痛皆以此胡主之非
僅入少陽若此者皆以通儒治經之法用以治醫經
開從來醫家未有之徑學者由是充之而醫之術明

而醫之道亦由是而尊至著述之真偽淺深師傅之雅俗高下讀書之通達精博診脉之陰陽表裏治病之緩急分合用藥之輕重增減無不造於微辨四大家之張爲戴人而非南陽尤爲特識語簡而該篇約而當洵後學之津梁也愛其書序而暴之嘉慶壬申冬十月望江都焦循書於半九書塾之蜜梅花館



醫經餘論書後

家伊川先生云事親者不可不知醫每念斯語爲之
汗下也余以老父春秋高乞歸養壬申之春隨侍渡
江遍覽金焦諸勝歸寓邗上流連數月老父忽遘痰
疾目眩肢軟噦逆勢甚盛自恨不知醫理特延吾友
養齋羅君診視君斷曰此虛寒類中之病非火非風
先攻有形之痰後補無形之氣法不可以稍紊初服
二陳及三子養親湯佐以沉香諸品十餘帖後氣平
噦止君擬加參附時方溽暑余懼不敢進君促曰用



藥如用兵進退遲速只爭些子今大腸閉結久急宜
溫通助氣法不可以稍緩藥進翌日便通他症不增
亦不減再服如初余請易前方君解曰溫藥病不增
卽是減只此一方可服百帖法不可以朝更而夕改
久之脾胃大強精神漸旺而諸症悉平噫此非君洞
見垣一方不能有此膽亦非余信君之深不敢直從
其說信乎治病之難診家與主家宜各持其神明而
不亂也不然豈不如劉後村所云醫雜人爭試一方
耶世之不擇醫而延與延而不信信而不專以及臨

時翻本草閱方書不辨藥材真偽妄自增減分量者
可以懼矣茲余復來邗上以方請更定君出所撰醫
經餘論索余序余方愧爲人子何敢序君書伏而誦
之蓋薈萃數百部之菁華上下二千年之運氣抉之
精語之詳所以闡發前人之蘊而昭示來許者甚苦
心勞意然後嘆用功深者收效遠宜乎臨症能沉幾
果斷銳入毫芒耿耿焉具有元精貫其中生平磊落
奇佻恥詭隨於俗有不合輒掉譬去譬之上清真仙
餐雲霞而飲沆瀣下視塵寰皆五濁垢不止嫌元規

汙人矣嗚呼君挾濟世之懷不得已著一書以發蘊
振聵仁人之言其利溥哉然而君豈但以醫傳者哉
至其以通人說經引斷確鑿實事求是理堂焦孝廉
已服其淵奧焦君博學嗜古著述等身亦通醫與君
爲莫逆交宜甚愛而傳之亟期於壽民而活俗也余
復何言姑以余之拜德於君者還質之君以爲醫案
也可嘉慶壬申十二月旣望古歛程元吉拜書於廣
陵之寓齋

醫經餘論篇目

論師道

論讀書

內經

素問註

傷寒論金匱要畧

金匱注

論讀傷寒論

神農本草



南京中醫藥大學
1954
南京中醫藥大學圖書館版權所有

神農本草經抄人註序

論診脉

醫易脉部題後

論運氣

醫書題解錄序

論四大家

論治病緩急分合

論立方

論治不效



續脾胃論

溫疫續論

溫疫後論

哮症論

論陋學

論偽書

論病家

附
醫林雜咏



南京中醫藥大學圖書館版權所有

醫經餘論

新安羅浩養齋甫著

論師道

嘗讀氣交變大論篇岐伯曰先師傳之臣雖不敏往
聞其旨帝曰得其人不教是謂失道傳非其人慢泄
天寶誠以醫係人之生死聖人爲之鄭重雷公年幼
解而未能別別而未能明豈粗工所能事耶是知非
得其人則其道不可輕傳而得其道必有師承之學
如史記所載醫林列傳所詳歷代名人醫學淵源皆



南京中醫藥大學圖書館版權所有

有所自南陽爲醫中之聖尚師其同郡張伯祖至張
潔古傳李東垣李東垣傳王海藏其尤爲顯著者也
蓋古今醫書甚繁錯綜不一論症則攻補分途論藥
則寒溫異性逞才者多臆說嗜古者少變通似是實
非以奇爲正所賴爲之師者閱歷旣久學問宏深討
論已精涇渭自判方可指示上乘法門而不爲岐途
所惑也况醫以濟人爲志仁者之端察理之明智者
之事非通儒不能成其業非參悟不能窮其微許允
宗云博極而心靈自啟思深而神鬼將通果能入聖

超凡將岐黃之堂可升矣豈第青出於藍已哉

醫經余論

二





南京中醫藥大學
1954
南京中醫藥大學圖書館版權所有